

太康縣志

卷一

阿	阿	阿	阿
野	野	野	野
浩	浩	浩	浩
城	城	城	城
古	古	古	古

道光戊子重修

太康縣志

本衙藏板

邑乘與國史相表裏
山川封域田賦秩祀
文苑循良忠孝節義
具列其中前人述之

備矣所難者主與賓
擅著作才後肯志心
商榷務求斯書之盡
美盡善而已太康

戴大令阿閣英年科
第莅任八載實心寔
政鑄在口碑茲以一
邑之典章文物不為

之信今而傳後勢必
久而就湮也爰捐俸
修志勸紳士贊成之
任其事者前令晴

谷高君明經 澄園
江君十閱月 工歲而
索序于予 惟志乘
之修訂 禱正謬酌古

聖天子久道化威幅幘
其難方今
準今歆求善本夏
廣濶無遠弗屆十八

省郡廳州縣之志更
僕難終矣願其中有
醵金驚羸追比樂輸
以供揮霍纂修則三

家邨老學究任意塗
抹或鈔襲舊文不問
書之工拙者無論已
抑或招致名流食焉

不事其事而居停樸
愿少女一聽其荀簡
成帙又或東道科目
出身矣理煩治劇無

暇過問甚至公餘休
沐自尋怡悅不以編
輯函心者強，有之
以此而欲志之完善

恒不數，親今晴
谷名進士前宰斯邑
繼又掌教興賢書院
六年于風土人情知

之最稔澄園則西
江老斲輪也兩君子
心花意藁墨妙筆精
其載言非時下所能

望其肩背者 戴大
命具史才又精力彌
滿 儼獄恒徹夜不寐
時、親至相為辨難

自長篇累牘以及片
語隻字必斟酌妥善
而後去今觀其書無
詩多門靡之習去因

陋就簡之類取舍精
繁簡當體裁確謂之
為訂謬正謬酌古準
今之善本其誰曰不

宜大令擢懷慶別
駕又援例納贖銓太
守行將去矣其去思
政績如創建義學廿

一區修書院葺學宮
諸事不可枚舉修志
其一端也予為誌之
即以當甘棠之什也

可是為序

賜進士出身

誥授中憲大夫河南陳

州府知府前刑部陝

西司郎中詹事府右
春坊右庶子翰林院
侍讀侍講司經局洗
馬詹事府左春坊左


中允左贊善右春坊
右中允右贊善翰林
院編修充

日講起居注官

國史館纂修
實錄館纂修
文淵閣校理詞林典故
協修

記名御史癸酉科湖南
鄉試正考官丙子科
河南鄉試正考官丁
丑科教習庶吉士壬

午科會試同考官加
五級紀錄十二次壯
平瞿昂撰并書



重脩太康縣志叙

或問志之義與史同乎曰不
同史則彰善瘁惡據事直
書而以褒貶寓賞罰之權
志則表激闡幽善善從長而

以取舍示勸懲之意體例
各殊矣要其徵文考獻不
略不誣比事屬辭有倫有
要述既往以垂將來足稱
為傳信之書則固與史互

相表裏者也鄭樵云作史
莫難於志非具三長者誰
能脩之乃以弇鄙之識謏
陋之才荒蕪之學如
鳳翔
者而欲信今傳後成一邑

之完乘詎易易事哉願念
身膺民社視所莅如傳舍
於民生之利弊風俗之淳
涼吏治之法監漠然不闕
喜戚于其心讀古人書奚

為者康邑舊志自乾隆
二十六年前令武君昌國
纂脩之迄今垂七十載
矣其間建置遞更職官
屢易田賦戶口之稽核文

學政事之流傳月異歲不
同釋此不脩後之人將何
滋而紀實耶又况十室之
邑必有忠信我

國家承平日久農服先疇

士食舊德數十年來孝
子順孫義夫節婦以及端
人碩彥代著賢良其涵
泳于

聖天子之深仁厚澤必有與

長山渦水共垂不朽者
可聽其淹沒而弗彰

哉鳳翔宰邑八年惴惴焉

常恐脩廢舉墜之有未
逮歲丁亥奉文建立義

學既與都人士共議舉
行矣爰語及脩志事詢
謀僉同迺設局于興賢
書院延舊尹高晴谷明
經江澄園兩先生主其

事

翔

亦時以所見往來商


確爰取前志之繁蕪者
芟之失次者序之訛謬
者考史冊以正之遺漏者
搜舊聞以補之近今之泝

德畸行足以磨世礪俗者
採輯而表章之事增於前
文省于舊盖作也而述
也其於古人紀實之義庶有
當乎書既成乃釐為八卷

以俟觀風者採擇焉若夫
川原形勝之迹封域沿革
之名人物出處之異咎人叙
之詳矣茲不備書

道光八年孟秋月既望知太

康縣事題陞懷慶府通判
候選知府壬午河南鄉試同
考官鄆陽戴鳳翔撰



修太康縣志序

志之名始見於周禮春官邦國之志小史掌之四方之志外史掌之夫名爲志而掌則史是志實史之類書矣然史並書善惡志則善善從長雖天文地理人物無不備載而人事爲最要所以昭前光而勵後賢也故歷代以來無論大都小邑莫不就一方之風土人情勒爲成書以信今而傳後况太康爲豫省名區其分星則亢與心房其形勝則長山渦水其人物自聖門子羔子禽而下則有黃霸彭宣諸大儒袁淑謝安諸世家韓沈顧郭張王諸望族忠臣孝子學術文章彪炳史書先後輝映一展卷而不勝高山景行之慕

太康縣志

序

一

焉顧舊志羅列邑事雖罕所缺遺而自乾隆辛巳前任武公修葺後六七十年於茲矣其間英竒接踵閨閣流芳官箴士氣爭自濯磨者實繁有徒使不表而彰之則世遠年湮無以見先哲之懿修何以爲後人之則效乎陞任梧軒戴君江右名進士也宰是邑八年以循良吏具著作才計事量工百廢具舉獨於邑志而肯聽其殘缺哉爰捐廉爲倡並集邑紳捐貲成美延舊令高 谷先生總其成明經江澄園先生秉厥筆更有都人士以共爲勸贊且於案牘之餘朝夕親詣釐訂必期於完善而後已開局於丁亥十月暨戊子八月 工竣戴君已擢懷慶別駕將之任余調尹茲土下車伊始

而志適幾於成戴君屬余爲序余與戴君壬午秋闈同場校士政
事文章欽佩有素今受是編讀之志體也而雅具史裁旣喜斯邑
之名勝得循吏之著述而愈光又喜戴君得諸君子之攸助而能
相與以適觀厥成也是爲序

道光八年太康縣知縣韓因培撰

太康縣志

序

二

太康縣志叙

予以癸酉夏調署太康日與士民相見予視邑之人如子弟邑之人亦視予如父母也呈請保留於上憲者數次不果行及回延津任邑人相送臥轍攀轅多半泣下月未幾周聞予因公罣誤邑人咨嗟歎息無少長皆然予何功何德能使人繾綣若此抑亦與邦人士有前緣耶越道光辛巳戴阿閣先生調任是邑與予同里又姻親也邑人思予不置浼戴君出聘延予掌興賢書院教日夕聚談以修志爲念戴君往來京師卒卒無湏臾之暇故遷延至今明年戴君蒞通判任行且陞知府去以此願未償與邑紳定議適故

太康縣志

序

一

里江澄園來遊因共商酌以圖觀成昔江文通有言作史莫難於志具三長者猶難言之况才力萬萬不及者乎然一邑之典章人物距前修已六七十年釋此不修問遺事於故老罕有存者其潛德幽光不致湮沒無傳者幾何哉予非敢言作也日與邑士討論其中惟是舊志可仍者仍之文藝蕪穢者芟潤之鄉賢名宦遺漏失次者補輯而釐定之數十年之純孝節義徧採而登記之事錄其實不尙乎華文取其潔不騁乎博將以成一邑之完乘兼以答戴君見委之盛心謹叙

前署太康縣知縣高崧撰

太康縣舊志序

陽夏之爲邑始見於史漢秦以前雖屬陳地其事無聞舊志一修於明萬歷己亥一修於

國朝順治己亥一修於康熙丁丑迄今六十餘年其間所當增入者甚多奈順治間所修既多踵謬仍訛康熙間所修又復因陋就簡此志之所以不得不修而修之又苦於無所因也孔子因魯史作春秋魯史固傳信之書也史遷因世本作史記世本亦紀實之語也邑志雖不可以比之聖經與良史其不能無所因則一也今舊志旣不足因而府志又多因舊志惟自康熙丁丑以後職官選舉

太康縣志

武序

一

之名節孝之事則府志詳焉其餘則須遍檢史冊以補遺正誤廣詢耆老以發潛表微閱一載始粗有端緒迺釐爲入卷其事與人以類相從焉昌國自念下材末吏德不足以感人才不足以應務幸荷

各上憲明訓黽勉供職免于罪戾而已但志中所列一切修舉之事似較多子前人者非自表暴也蓋事爲一邑之事上有所承而非已之能也下有所共而非已之力也據事直書以俟後之君子考覈焉其亦可以無嫌矣屬稟旣定將付剞劂爲序其顛末如此

乾隆二十六年十月太康縣知縣武昌國撰

太康縣舊志序

歲庚辰冬余奉

命承乏糧饈明年春莅任採風問俗之餘披覽志乘吏治民生藉徵得失太康古陽夏地去汴二百里而遙其爲邑舊隸開封自雍正甲寅升陳州爲郡增置三縣太康屬焉地雖褊小而碩人偉士後先蔚起散見諸書者指不勝屈矣顧舊志修於康熙丁丑歲迄今垂六十餘年缺畧旣多舛譌不少邑令武君以爲邑乘未備長吏之羞也爰徵文考獻而重新之釐爲八卷書成問序於余余惟志者紀也所以紀其地與其人其事也封圻沿革陵谷升沉非志則

太康縣志

歐序

一一

其地無徵忠孝廉節政事文章非志則其人無徵學校祠祀田賦戶役非志則其事無徵志之修顧不重歟雖然世固有一行作吏日鞅掌於簿書奔馳於負弩應接無時催科孔迫形神疲憊而不自支否或地處偏隅性耽暇逸又素以彈棋命酒徵歌選舞自娛至問以一方之山川風土古跡名賢而茫無以應也修志云乎哉嗚呼此固不足論坐使後之人思欲網羅散佚勒成一書而事遠年湮傳聞異辭罕所考据抑亦傷矣昔朱子歷官所至亟亟以此典爲首詢武君是書備觀省昭激勸彰往詔來其所係爲何如也余故敘志之所由重而修之不可以不時以望後之繼武君而令

斯土者是爲序

河南分守糧儲驛鹽道龍城歐陽永禕撰

太康縣志



歐序

三

太康縣舊志序

粵稽康邑亦太昊之墟也太昊發跡於此畫卦以啟鴻濛垂裳而綏海甸其被服聖人之聲教者獨爲親切非若他郡縣遙蒙化育可同日而語也迨唐虞受禪則隸豫州成湯都亳則附畿內周封舜後於陳爲陽夏其被服聖人之遺澤者又深且遠矣故其民至今農勤稼穡士尚絃歌質樸渾龐猶有上世之遺風焉顧諟邑乘自順治己亥前任賈大中丞檄修之後又三十餘載其間戶口之生長土地之墾闢暨夫人物聿興災祥迭見缺漏莫考者不知凡幾今

太康縣志

王序

四

上御極之二十九年中丞閻老大人纂修豫省全志檄下各州縣博訪新聞蒐求故事彙輯成書用垂不朽甚盛典也前任章令延請碩彥廣采輿情凡有關於世道利益民生事蹟悉爲較定增補續考甫成而陞擢山左之命遂下彥也不敏謬膺委攝案牘之暇乃取其稿一一檢閱志凡十卷分門別類咸遵頒式然其紀載務求實蹟不事浮華考總都圖則星躔之分野疆域之限界無不犁然於胸臆也觀建置則城池之險固坊表之興替無不洞然於心版也核田賦則地土之肥磽課額之盈絀無不井然於會計也覽秩宗則神事之修舉俎豆之陳設無不昭然於祀典也若夫治道

汙隆教化淑慝則官師是賴賢豪輩出節義標奇則人物宜詳風雅有純疵傳記有美刺是不可無藝文之紀歲序有災祥人事有變遷是不可無襍志之條凡此十卷雖不迨古史萬一而綱舉目張亦可少資採擇彥承乏宛邱奉檄頒行曾獻芻蕘今茲代庖復邁盛美不揣固陋謹綴數言簡端用副中丞閭大人千秋不刊之鉅典若詞有未當事有闕疑端有賴於高明卓識椽筆裁定庶幾藏之官府與嵩嶽汴河並久長云是爲序

陳州知州署太康縣事三韓王清彥撰

太康縣舊志序

周禮小史掌邦國之志外史掌四方之志今之郡邑得有志書義實昉諸此其殆與國史相爲輔翼者也太康係古陽夏地屬陳隋改爲太康屬淮陽唐仍以之屬陳州其邑雖無名山而岡陵漫衍登降施靡其川浸則潏波環繞河流分出人物則有黃次公彭子佩諸人炳炳烺烺勲德赫奕又有袁彥伯耿用中諸人著書滿家揚光飛文或以忠義傳則有如張維世馮貞吉諸人懍懍皜皜不每其生或以隱逸傳則有如王士衡顧廷璠諸人蕭然物外淡泊無營若是者直與嵩嶽洛水並傳宇內奚必托迹名勝人以地傳

太康縣志

秦序

六

也哉邑舊有志

國朝兩修之迄今六十餘年矣其所載率多因陋就簡難以稽考况六十餘年來之官吏仕宦因革建置必待紀錄者可任其湮沒而不爲之彙集耶邑令武君以上舍生拔置太學壬申出宰中州越六載調劇康邑以志書爲一邑之要典亟起而編輯之事竣請敘於余余固樂聞司土者有是修明之舉也校士之暇細爲披閱見其質直得體論贊咸宜考核原本三史搜羅旁及百家咏景諸什吐屬風雅列傳短篇諸無溢美且考其舊志序人物元代以前爲世家明代以後爲名臣其制謬矣地邑民居入於建置其名紊矣

他如明臣張修德疏陷邊帥誤列宦績將何以示信耶武君於此皆爲更張而釐定之嗚呼司民社者治簿總籌之餘但見竭蹶靡寧而已而武君殫終歲之勞鄭披卷帙之紛紜志名宦思懋其績志人物思擅厥長志風俗則思教化志物產則思贍養慎重墨瀋心與筆俱是非循俗吏之爲而爲之余於志而益知武君之志也夫

提督河南全省學政秦百里撰

太康縣舊志序

太康舊有志明萬歷己亥邑令雲中張爾基重修工未竣憂去永昌沈再思成之到今六十載鼎革而後滄海桑田萬事湮墜何有於志不佞受事見而太息焉古有野史惇史稗史皆史傳信矧陽夏爲文獻之區三史之不逮將久而愈失真矣復重以

大司馬賈老大人命益惟惶悚念不佞虫夏語冰論世無識綜務罕才巔末之未諳其何志之能圖一時軍興絡繹臨田愚濇寸管欲握手與心棘嗟乎典故靡傳興治無法憲迹藁莽後竟何賴幸于燐燹之餘搜獲舊志四卷不得已過康李兩學博委輯其事據

太康縣志

張序

八

郡志通志文獻通考爾雅史記參伍酌定焉述也非敢作也然因仍之中亦間有損益分八門而條列之體國經野肇茲方域星晷羅置惟民所止圖經志第一奕然者都巍巍具瞻通政和人庶類攸暨建置第二任土作貢尺藉是經惟正之供根本彌固田賦志第三國之大者祀事爲重以時歆饗神明用和秩祀志第四惟此下民必有司牧治之教之咸軌於理官師志第五貞元會合賢雋雲興濟濟蹒蹒維國之楨人物志第六典常之外事有當存以順人情以昭紀綱襍志第七人文宣郎蔚爲詞章彬彬郁郁其美洋洋藝文志第八凡此八志各列條目分著義類庶可以包羅一方

之大都乎然尙有惑也志史事也史之爲事進退古今以明百王之道余未能也操褒貶法以行賞罰之權余未能也凡此皆有作焉安敢自信爲足傳乎且也舊志殘缺而多可議芟而除之能服往昔之心否乎學士大夫思一新之以垂典章果能當學士大夫之心否乎余之惑滋甚集成質之邑中諸紳衿及黃髮老成人僉曰不有廢也孰有興也微君侯六十年之廢墜其疇能修舉哉因付劄劄氏以仰副

大司馬賈大人之檄命

太康縣知縣張懷璧撰

太康縣志

張序

九

太康縣舊志序

志之垂猶史也一國之史不備則政治無徵一邑之志不全則文獻無考是以古先哲人重之太康舊陽夏地於陳稱劇邑其幅幘袤廣人民蕃庶賦役殷煩俱較他邑爲最甚

今上御極二十有二年武君自通許移宰斯邑甫下車卽濬築河堤勅興書院修葺祠宇舉凡事之切於民生與壇廟之載在祀典者無不次第舉行事稍間復念太邑之志肇自前明一輯於順治己亥再輯於康熙丁丑距今垂六十餘年人事闕如不加搜纂將淹滅而罔稽爰致有道能文之宿碩并邑紳士之博聞者考

太康縣志

陳序

十

證舊文摭採近事類相比次煩者刪之闕者補之書成凡八卷呈政於予予反覆閱之不禁喟然曰嗟乎徵文考獻繼往惠來固良有司事也且夫志之名見自周官志之體垂由漢史厥後或承或闕不能盡例於一夫非以作之難故成之者尠耶今天下省郡與邑胥莫不有志矣而要而計之夸鬪者驚爲靡因就者陋於簡簡則挂一漏萬其失也畧靡則矜才任智其失也誣夫昔人論史必擅三長謂一不備卽不足信今傳後志固史之一也薈而萃之存乎才弃與取之視所學而博而彌精簡而能該則尤其識與力武君斯舉夫亦庶幾於是乎然而其功洵足多矣且予守陳再期知

之尤稔因樂得而爲之序

陳州府知府祁陽陳輝祖撰

太康縣志

陳序

十一

太康縣志舊序

郡邑之有志也匪僅以備記載垂故典已也風俗之淳漓人事之得失山川景物禮樂文章之昭著由一日以迄千秋觀感而取法將在乎是甚不可苟也今

聖天子在御統車書而揭休明亦既日月爲昭矣迺復簡班董於木天蒐遺亡於魯壁振興文獻彙譜維新下逮郡邑其疇不鼓舞奮興敬應休明乎余不敏甫莅茲土卽念夫邑之中形勝風氣存乎疆域也城池署祀存乎建置也於賦役則念哀哀者疇賜之食也於官師則念嗷嗷者疇貽之安也至若人物之芳踪變異雜記之

太康縣志

朴序

十一

思患預防藝文詞章之表揚規勸孰非巨典攸關乎藉不詳加搜集俾若列眉則後乎此者能無雲霾霧曠之嘆耶因延邑紳士而咨其事僉曰前令章公承大中丞閻公命纂修縣志未克成編適膺

簡命去接署宛邱刺史王公亦加較閱奉憲取彙纂俟發下再加詳較乃堪付梓至乙亥夏月蒙 大司馬顧公發下原本內經 兩憲互有改削奉粘簽云駁雜浮泛今爲標明再嚴加訂正等因余遵奉展繹其中紀載詳明者固十之五而亥豕相沿魚魯莫辨者亦所在多有至若人文輩出節烈猝起治功聿新五六載中未始

無時事之改觀也迺廣加搜訪敦請邑士分門別類而日與參稽焉於其規模弘擴取裁簡當者既不欲掩前人之美具依舊式至於咨詢之間有未確實與夫支蔓之累句疑訛之事跡則亦不忍稍引已嫌致成闕畧乃爲之隨事增損逐章潤色雖不敢謂參伍錯綜亦惟遵盡心力而已今而後已驗之方施無不效庶後之莅斯土居斯鄉者觀感取法一邑之風教人心將於是乎關也乃捐俸授梓題是語以紀纂修之槩云

康熙三十六年歲次丁丑孟冬月太康縣知縣燕山朴懷寶序

新修太康縣志姓氏

監修

特授河南陳州府知府前翰林院編修詹事府右春坊右庶子宛平

瞿

昂

壬戌進士

纂修

特調陳州府太康縣知縣卓異候陞題陞懷慶府通判候選知府都昌戴鳳翔

己巳進士

參閱

特調陳州府太康縣知縣臨晉

韓因培

壬戌進士

校訂

太康縣儒學教諭

劉忠

鄆陵縣舉人

太康縣志



姓氏

一

署太康縣儒學教諭

李瑛

葉縣舉人

太康縣儒學教諭

張調元

鄭州舉人

太康縣儒學訓導

汪蒼霖

息縣舉人

前署太康縣儒學訓導

洪範

祥符縣貢生

太康縣典史

沈柯

浙江蕭山人

署太康縣典史

項世綸

浙江錢塘人

督梓

太康縣把總

崔殿鰲

祥符縣武舉

編輯

賜進士出身前署太康縣事延津縣知縣

高崧

江西義縣人

恩貢生候選教諭

江練

江西昌縣人

分修

增貢生

戴珥

江西昌縣人

己酉拔貢候選教諭

謝庭春

江西陽縣人

舉人

耿萬英

舉人

孔廣益

舉人

韓金殿

舉人

李沅泮

太康縣志



姓氏

二

拔貢

龍廷霖

校對

廩生

路可久

增生

郭峻德

廩生

王眺

生員

張念祖

增生

路達

生員

柳友韓

生員

王銘耕

生員

韓廣廷

總局

原任山西岢嵐州知州

王立言

武舉

鄭武魁

理問

王香山

州同

張德域

原任山西孟縣巡檢

李鎮先

監生

李益之

監生

宋同祁

太康縣志



姓氏

三

監生

張永祿

武舉

楊武魁

監生

蘓培城

武生

范獻珠

千總

王國松

生員

劉中道

拔貢

李文燦

監生

王立品

布經歷

楊繼先

監生

王甫泰

監生

孔繼海

歲貢

劉運景

監生

王興棟

採訪

原任山東曹縣縣丞

軒玉龍

舉人

谷春融

副貢

張可大

歲貢

郭鳳岡

太康縣志



姓氏

四

增生

路可大

生員

柳應奎

歲貢

牛祥麟

廩生

徐鶴升

恩貢

程圖南

歲貢

張岳

廩生

汪錫爵

廩生

郭月山

廩生

段大田

武生

王鳴皋

增生

高華林

武舉

楊清魁

生員

張貫之

生員

李赫

生員

張淑源

生員

徐玉書

監生

程玉璋

監生

柳萬育

太康縣志



姓氏

七

理問

陳珩

州同

趙珮

監生

曾毓秀

監生

李卓然

監生

趙崑山

監生

孔昭重
王嵩

恩生

孔繼杰

從九

吳世漣

武生

許桂林

太康縣志

凡例

一太康志肇自前明一輯於順治己亥再輯於康熙丁丑三輯於乾隆辛巳有序文者必爲紀錄不沒當事者苦心

一志有不刊之典如圖經疆域等篇多仍舊貫無可翻新並非掠美

一天文元眇談者支離數則寥寥亦云具體

一康地平行水患恒多一經泛濫宣洩無常挑濬距今六七十年經行故道尺寸深廣不能按也詳其源委核其里數後宰

太康縣志

卷之一

凡例

一

邑者因其勢而利導之

一新建義學凡二十處刻有條例可以永久又改建興賢書院並鐫於碑賔興鄉飲諸大典亦比舊志紀載加詳

一秩祀如文廟祭儀部頒樂章及舞譜舞器舊志無此俱編入

一人丁地畝賦稅俱照賦役全書此似得其簡便

一六朝人物事業盡在江左里居仍屬陽夏陽夏其舊宅江左其新遷也史冊可憑毋庸翻駁

一人物可傳子孫必求人作傳傳有蕪穢不得不加芟夷而作者姓名必如其舊

一武志凡有營建必有序文如橋廟修理等項凡不關緊要者
一 概從芟至興廢所關利害所在必仍其舊
一 舊志所無而爲府志所有者當年偶遺必爲補入
一 生人不立傳謂蓋棺論定也至義行可法節孝可風又懼後
世缺遺亦間登之
一 藝文邑人所作但得佳製雖與志無關必爲選入其文存其
人存也至大吏邑侯文人墨客卽事題咏採擇付梓亦足以
增邑乘之光

太康縣志

卷之一

凡例

二

邑中老宿六七十人爲採訪庶幾無遺

一 志與史同而異每事必書與史同人物稱美不稱惡與史異
然信今傳後之書文著其潔事錄其實乃稱體裁若好爲翻
案以騁綜博此辨論體非志體也

太康縣志目錄

卷一

圖經

縣境圖
城隍廟圖

縣城圖
關帝廟圖

縣治圖
書院圖

學宮圖
入景圖

沿革

星野

有圖

疆域

縣界
山岡

街巷
集鎮

里社

各保

鄉村

古蹟

巡幸

勝蹟

陵墓

廟寺

卷二

建置

城池
坊表

廩署
郵政

倉儲
遞舖

學校
兵防

壇廟
津梁

太康縣志

目錄

田賦

地畝
漕糧起運

人丁

賦稅
舊裁

起解
新裁

留支
雜稅

蠲免

卷三

秩祀

風俗

物產

河渠

卷四

職官

知縣
訓導

縣丞
駐防

主簿
名宦

典史
封爵

教諭

選舉
徵辟
進士
舉人
貢生
武科

卷五上

人物
勳德

卷五下

人物
忠烈
文學
孝友
耆壽
義行

卷六

列女
戚畹
賢媛
節孝

卷七

藝文
詔敕
奏議
書牋
頌贊

太康縣志

目錄

一一

卷八上

藝文
傳
論說

賦

詩

卷八下


雜誌
祥異
兵變
幽異
傳

縣志全圖

太康縣志

卷之一 圖經






太康縣志

卷之一 圖經







縣治圖

太康縣志

卷之一 圖經







太康縣志

卷之一

圖經

四







太康縣志

卷之一

圖經

五







太康縣志

卷之一
圖經

六







太康縣志

卷之一 圖經

七





歌臺流細音

夏五子其一即仲康其一為五觀
餘無攷後人讀五子之歌而悲其志
因為臺以表之且建廟於其上下有
潭曰五子潭今涸臺孤立曠野之中
草木蒼鬱清風鳴條恍聞流響唐
即士元所謂五子歌聲猶在耳非
虛言也

靈塔晴光

靈光塔在城外東南隅青島家所
謂巽峯塔中丞王埏所建也高十餘
丈上覆寶瓶中藏玉佛一並舍利
數顆撐空突兀八面玲瓏雲白天
青浮光耀日登眺之際良足騁
懷云

花萼春榮

唐有花萼樓為元宗友愛之所此花
萼臺為武后遊觀之所事或有之
但正稗二史均未之及耳俗傳武
后将遊上苑宣詔云明朝遊上苑
火速報春知卷須連夜發莫待
曉風吹凌晨名花編布則萼臺
之春色想亦應爾矣

長山積翠

縣城東西大街有土地祠其地名長
白山平地而得山名蓋與濟南城
中歷山相類然烟火萬家雨中春樹遠
而望之如挹二室之翠色焉則對此
虛景作實境觀可也

蓮池夜月

蓮池土人不能的知所在城西往
注有池種蓮夏秋之際追涼中間
露氣流香月光暎水清風徐來
纖埃不到但無亭閣點綴入勝耳
舊志所謂蓮池焉知不在此耶

霸壘斜陽

城西北五里有霸王臺漢追楚至陽
夏南楚距之此臺及南距北距皆其
遺壘嘗登臺遠眺雲樹蒼茫夕陽
西下悵然懷古想見叱咤風雲揮
戈挽日時也

渦水秋瀾

渦渠上流已塞下流為泉水所
歸滌洄而東與有源活水無異
每遇秋風初起波澌微生風勢
稍適則淪漣上下與秋日之清光
相映白蘋紅蓼之際鷗鷺羣
翔六一邑之偉觀也

宋岡紅葉

崔橋之北有宋家岡，勢環繞
縣城其中缺處為大道深秋
霜葉斑斕殊堪寓目惜不甚多
近岡上列種堯暮春三月驅車
過此落英繽紛花光上下意謂
紅葉改為紅雨似更得之

歌臺流響

當年苦口戒盃游
人去臺空響易流
此日登臨懷古調
悲風落木一時秋

鳳翔





予之遊在荒
 美古熱熱歌
 已探行見片
 留 武邑園

靈塔晴光

康城佳氣比鍾靈寶

塔玲瓏耀日星絕地通

天文筆聳風光絕妙寫

蘭亭

阿闍





環埽垂水迷舟渡芳菲一帶東
 南路佛日照斜曛得屠倚白
 雲 蒼然來暮色紅日將西匿
 返景入池塘天光共松色

調寄菩薩蠻

昌國

花萼春榮

何年鳳輦紀東巡
爽道花明二月春
回首可憐遊幸地
行塵不似昔年塵

阿閣







武后巡遊處如從天上來先
春聞詔下迎輦報蒼開彩黛
春雷雨旌旗影蔽臺至李桃
杏色歲上點閒苔

昌國

長山積翠

凌虛雲氣絕蒼茫遠
接連天積翠色何必
西去後面詩情盡意
希聖方

換軒





積鬱蒸之氣熾市可香山林音風
 雨之交索物儼若圖畫花明柳暗
 無側峯撲嶺之奇雲欽烟霞擅濃
 抹淡粧之態洞中於焉以趣寄哀
 賴此稔情

昌國

蓮池夜月

城邊在對西湖月池
上花開太液蓮暫見
神仙來洛浦公餘聯
一揮筆

鳳翔





西湖款曲荷風院
 剪取湖光鏡
 一片半規素
 月出波心萬朵清
 來水面有池處
 一可我荷荀令衣
 香比更多葉
 牘餘閒便系
 無橋
 翠典竊共
 海安

昌國

霸壘斜陽

此咤風雲拒漢家于今
舊壘夕陽斜美人駿馬
終黃土臺畔秋聲咽暮
笳

梧軒





悲於博畫行衣繡衣周陵芳州
 歌廣武秋雲飛 悲於城蕭々
 風落葉四面起然歌西年六霸
 業 然於博英雄大江水高臺
 袁州中古素斜陽裏

昌國

渦水秋瀾

環城渦水碧於油一色連

天漾素秋趁此晴瀾聊

泛棹他年好作濟川

舟

阿閩鳳翔





渦河泗水似深溪石水猶無六
斗泥流入江南作風景秋來
仍見綠楊堤微波也可掉輕
舸宿雨新添水半篙恰遇晚
來風獵獵依稀似看曲江濤

昌國

宋崗紅葉

一林秋葉染元霜
點綴春紅上宋岡
若使遊人憑遠眺
那將風景在河陽



三八宋岡初寫





翠螺重叠白雲外烟景平添芳豎一樣
風光渾不讓三月河陽縣裡陌上胭脂
枝頭錦繡照眼紛無數停車登眺不關
秋興懷古 休道黃葉丹楓舊時曾賞
遍斜陽山路可奈凋傷心易感何似攬
春花樹晚角吹殘霜鐘響徹似送君南
浦桃蹊新闢蒲岡飄落紅雨

調寄念奴嬌

昌國

沿革

陽夏陳地隋曰太康考其星野不屬大梁元明分割人地

更張

聖朝定制正厥井疆志沿革

太康舊名陽夏

漢書注夏音賈

其地在禹貢豫州之域周武王封舜

後媯滿於陳是為胡公春秋時陳公子有為大夫食國之地

袁鄉者

見韓文公袁氏先廟碑春秋傳有轅濤塗歐陽公集古錄云轅袁古字通用

即陽夏地也

陳自始封後二十三世為楚所滅陽夏為楚地秦并六國置

郡縣陽夏屬潁川郡

陽夏之名始見於史記項羽本紀蓋秦所置也時陳亦為縣

漢增置

太康縣志

卷之一 沿革

一

郡國陽夏屬淮陽國

漢志高帝十一年置淮陽國後魏志云漢武帝立淮陽郡蓋封國則名國不封

國則名郡也水北為陽陳在淮水北故名淮陽

東漢陽夏屬陳國

後漢和帝紀章和二年二月和帝即

位二月改淮陽為陳國

三國時陽夏在魏境屬陳郡晉合陳郡於梁國

陽夏屬梁國

晉志武帝合陳郡於梁國惠帝分梁國立陳國

劉宋陽夏屬陳郡

宋志永初

志陳郡有陽夏又東郡有陽夏何志徐志無

南齊陽夏屬北陳郡

南齊志北陳郡有陽夏又陳郡

治南陳有陽夏按自晉南渡以後譙以北皆非晉有宋齊之有陳郡有陽夏蓋皆僑置也

後魏陽夏屬陽

夏郡

後魏志陽夏真君七年并扶溝太和十二年復治陽夏城有大小扶溝

隋改陽夏曰太康

屬淮陽郡

隋志太康舊曰陽夏并置淮陽郡開皇初郡廢更名太康屬陳州大濮初屬淮陽郡

唐省扶

樂入太康屬陳州淮陽郡

唐志太康貞觀元年省扶樂人焉

五代梁太康屬

開封府後唐太康仍屬陳州晉又屬開封府漢周因之五代史職

方考汴州唐故曰宣武軍梁以汴州為開封府建為東都後唐滅梁復為宣武軍晉天福三年升為東都漢周之府

志沿革表五代梁開封府有太康唐陳州有太康晉開封府有太康漢周同 宋太康初屬拱州拱州

本襄 後隸開封府金屬開封府元屬汴梁路元志至元二十年改南京為

汴梁路領縣 明屬開封府明志開封府太康縣在府治東南

國朝因之雍正十二年升陳州為府增置三縣太康屬焉府志順治十六

年裁衛地歸陳州雍正二年改為直隸州十二年升為府領縣七淮寧太康扶溝商水西華項城沈邱

附攷

府志載春秋陳國十一邑有壺邱未詳焦譙縣夷城林林今西華縣

太康縣志

卷之一 沿革

二

西夏 株野今柘城相即苦今鹿邑鳴鹿今址在鹿邑辰陵在西華防陳境北防

亭 榿西華南有會榿寺留宋亦有留彭城留是也留屬陳故稱陳留其間獨無太康地

按韓文公袁氏先廟碑云陳公子有為大夫食國之地袁

鄉者其子孫世守不失因自別為袁氏所謂袁鄉不知何

處據三國袁渙為扶樂人渙曾孫瓌在晉為陽夏人由是

觀之扶樂陽夏即文公所謂袁鄉故袁氏世居之至魏晉

猶然也漢三老袁良碑謂濤塗初氏父字立姓曰袁舊志

云天王使轅濤塗為陳大夫食采陽夏漢碑已無確證舊

志尤屬臆說

楚滅陳爲縣頃襄王徙都陳陽夏陳近地自當屬楚舊志
乃云屬魏按魏世家及班志魏地並無此縣秦滅韓置三
川郡後魏志謂漢武分潁川立淮陽郡又袁式入魏子孫
遂居潁川之陽夏秦時陽夏屬潁川明矣舊志乃云屬三
川郡亦誤
後漢志高帝置淮陽章和二年改陳國和帝紀章和二年
二月卽位三月改淮陽爲陳國孟康云孝明帝更名陳國
晉志云章帝所改並非陽夏自漢至唐並屬陳顏師古高
帝紀注云卽今亳州陽夏縣亦非

太康縣志

卷之一

沿革

三

漢宣帝紀元康三年立皇子欽爲淮陽王舊志云成帝元
康三年封宣帝子欽爲淮陽王食邑陽夏謬甚後漢書光
武建武十四年封皇子延爲淮陽公十七年進爵爲王明
帝永平十六年淮陽王延謀反發覺徙封阜陵王章帝建
初三年徙常山王昞爲淮陽王舊志云東漢明帝建武初
年分三十五里爲扶樂縣封子昞爲淮陽王食邑所封之
年旣謬而言分三十五里爲扶樂縣尤謬按建武三十年
以汝南之長平西華新陽扶樂四縣益淮陽國章懷太子
賢云扶樂故城在今陳州太康縣北不言陽夏所分又按

渦水在扶溝而隋志扶樂有渦水袁滂扶樂人水經注言扶溝大扶成東北有滂墓碑是知扶樂本扶溝所分非太康所分舊志又云西北有扶樂城漢置郡西有小扶樂城漢置縣其謬更甚

匡本衛邑其地在今長垣縣西北十五里漢之長垣有匡

城隋唐之匡城有長垣

漢志陳留郡有長垣孟康曰春秋會于匡今匡城是隋志東郡有匡

城後齊曰長垣開皇六年改焉唐志滑州靈昌郡匡城縣有長垣縣貞觀八年省

匡城卽長垣明

矣舊志乃云隋改太康縣屬匡城後置陽夏郡改爲匡城

大業初廢

廣輿記亦云太康漢爲陽夏隋爲匡城

其說絕無所據唐書劉元

太康縣志

卷之一

沿革

四

佐韓宏及弟充皆滑州匡城人舊志悉改爲太康人據元史韓元善傳則充之子孫始居太康據韓文公作韓宏神道碑則宏之先已居太康然元佐與宏充則固爲匡城人不得改爲太康人也舊志又載唐岑參至大梁却寄匡城主人詩府志又補載唐劉滄匡城尋薛閔秀才不遇詩所謂匡城者皆謂匡城屬滑州者非謂太康也岑詩云故人南燕吏藉藉名更香劉詩云不見故人勞夢寐獨吟風月過南燕按南燕姑姓國漢志屬東郡杜詩云王師未報收

東郡

東郡謂滑州漢時東郡有南燕唐時滑州有匡城滑州亦稱東郡故匡城通號南燕太康屬陳州豈別名南燕耶其誤可知也後魏志孝昌四年分東郡陳留置陽夏郡治雍邱雍邱故杞國卽今杞縣也舊志謂後魏太康置陽夏郡誤

府志沿革表三國魏陽夏屬陳留郡按魏志何夔爲陳郡陽夏人是魏時陽夏屬陳郡不屬陳留郡

續通考云太康唐初屬陳州五代梁屬開封府宋初屬拱

州睢州宋改拱州又升保慶軍金屬開封元屬汴梁路府志沿革表太

太康縣志

卷之一 沿革

五

康宋屬開封府蓋初屬拱州後仍屬開封舊志乃云後梁

太康屬拱州遍檢歐公職方考無拱州之名今俱改正

宋志拱州保慶軍節度本開封府襄邑縣崇寧四年建爲州賜軍額爲東輔以開封之考城太康南京之寧陵楚邱

柘城來隸大觀四年廢拱州復爲襄邑縣還隸開封政和

四年復爲州又復爲輔郡宜和二年罷輔郡仍隸京東西路以襄邑太康寧陵爲屬縣餘歸舊隸六年又以寧陵歸

南京太康歸開封復割柘城來隸縣二襄邑柘城據史志則拱州乃襄邑太康始隸拱州後仍歸開封王氏續考亦

未悉

太康縣志

卷之一

沿革

六

星野

野分於地星紀於天太昊舊宅亢宿之躔心房兼屬明志
謂然高高在上不落言詮志星野

史記天官書房心豫州

爾雅釋天云天駟房大辰房心尾也大火謂之大辰郭注大火心也

漢

地理志韓地角亢氏之分野陳鄭之國與韓同星分焉自東

井六度至亢六度謂之壽星之次鄭之分野與韓同分

爾雅釋天

云壽星角亢也天根氏也郭注角亢下繫于氏若木之有根

唐地理志鄭汴陳蔡潁爲壽星分

唐天文志角亢壽星也初軫十度餘八十七杪十四少中角

太康縣志

卷之一 星野

一

八度終氏一度自原武管城濱河濟之南東至封邱陳留盡
陳蔡汝南之地逾淮源至於弋陽凡隨申光皆豫州之分宜
屬鶉火古陳蔡許息江黃道柏沈賴蓼頓胡房弦厲之國氏
涉壽星當洛邑衆山之東與亳土相接次南直潁水之間曰
太昊之墟爲亢分 氏房心大火也初氏二度餘千四百一
十九杪五太中房二度終尾六度自雍邱襄邑而東循濟陰
界於齊魯右泗水達於呂梁乃東南接太昊之墟盡古宋曹
邠滕茅郟蕭葛向城偃陽申父之國西接陳鄭爲氏分
宋兩朝天文志天市垣二十二星東西各列十一星其東蕃

十一星南第一星曰宋西蕃十一星南第八星曰鄭

明天文志陳州亢分自軫十度至氏一度壽星之次也太康房心分氏二度至尾二度大火之次也

附論

保章一職專察妖祥天官一書多言占驗是分野之說原

爲候星氣也然自十二次分野外又有北斗分野

見天官書星經

春秋文耀鉤晉天文志

五星分野

見天官書續漢志

千支分野

見天官書淮南子

河

漢分野

見唐天文志

其說不一卽以十二次言之如鄭爲壽星

之次宋爲大火之次此舊說也而明志獨謂太康屬房心

太康縣志

卷之一 星野



二

分又諸家言十二次度數亦不同此數端者將遵何說而可乎但旣言分野當知星象與占驗之術故本府志繪象并錄其說於左

太康縣志

卷之一 星野


三



			南去極九十一度半	在赤道外六度舊經距南	南第二星去極九十五度	直下存亢四星九度距	南二星號陽門色若顛瓊	項星兩個斜安黃色精項	相似如鼎形折威下左顛	橫大角左右攝提星三三	四星上明折威七子亢下	四星恰似彎弓狀大角一	兩星南北正直著中有平	道上天田總是黑星兩相	連別有一星名進賢平道	右畔獨淵然最上三星周	鼎形角下天門左平星雙	雙橫於庫樓上庫樓十星	屈曲明樓中五柱十五星	三三相似如鼎形其中四	星別名衡南門樓外兩星	橫角二星十二度距南	星去極九十七度在赤道	外六度舊歷曰去極九十	一度唐一行測角距南星	去極九十三度半
--	--	--	----------	------------	------------	-----------	------------	------------	------------	------------	------------	------------	------------	------------	------------	------------	------------	------------	------------	------------	------------	-----------	------------	------------	------------	---------

太康縣志

卷之一 星野




四	四星直下主明堂鍵閉一	黃	斜向上鉤鈴兩個近其	旁	罰有三星直鍵上兩咸	夾	罰似房狀房西一星號	爲	日從官兩個日出	房	四星五度距南第二星	去	極一百一十五度在赤	道	外二十四度舊經距南	去	極一百八十四度唐一行測	房	距南去極一百二十度	半	
---	------------	---	-----------	---	-----------	---	-----------	---	---------	---	-----------	---	-----------	---	-----------	---	-------------	---	-----------	---	--

四

四	四星直下主明堂鍵閉一	黃	斜向上鉤鈴兩個近其	旁	罰有三星直鍵上兩咸	夾	罰似房狀房西一星號	爲	日從官兩個日出	房	四星五度距南第二星	去	極一百一十五度在赤	道	外二十四度舊經距南	去	極一百八十四度唐一行測	房	距南去極一百二十度	半	
---	------------	---	-----------	---	-----------	---	-----------	---	---------	---	-----------	---	-----------	---	-----------	---	-------------	---	-----------	---	--

四星似斗側量米天乳氏
 上黑一星世人識稱無
 名一個招搖梗河上梗河
 橫列三星狀帝席三黑河
 之西亢池六星近攝提氏
 下衆星騎官出騎官之衆
 陣車氏下騎官次騎官下
 二七三三相連十欠一
 三車騎位天輻兩星在陣
 旁將軍陣裏振威霜氏
 四星一十五度距西南星
 去極一百四度在赤道外
 一十三度舊經距西南星
 去極九十四度唐一行測
 氏距西南星去極九十八
 度



心三星中央色最深下有積卒共十二三三相聚星下是心三星五度距西第一星去極一百十四度在赤道外三十三度舊經距西第一星去極一八度唐一行測心距西第一星去極一百一十度

太康縣志

卷之一 星野

五

角亢壽星之次宮屬天暢於辰在辰鄭之分野班志起東井六度至亢六度費直起軫十度蔡邕起軫六度陳卓及皇甫謐起軫十二度至氏四度唐一行大衍歷初軫十度中角八度終氏一度明大統歷起軫十度止氏一度

氏房心大火之次宮屬天秤於辰在卯宋之分野費直起氏十一度蔡邕起氏九度陳卓及皇甫謐起氏五度至尾九度唐一行大衍歷初氏一度中房二度終尾六度明六統歷起氏一度止尾二度

角一星為天關其間天門也其四天庭也故黃道經其中七

曜之所行也左角爲天田爲理主刑其南爲太陽道右角爲將主兵其北爲太陰道蓋天之三門猶房之四表星明大吉王道大平賢者在朝其屬曰

南門二星在庫樓南天之外門也主守兵禁星明則遠方來貢

庫樓十星六大星庫也南四星樓也在角宿南一曰天庫兵車之府也旁十五星三三而聚者柱也中央四小星衡也實爲吉

平星二星在庫樓北角南主平天下法獄廷尉之象正則獄

太康縣志

卷之一 星野

六

訟平

平道二星在角宿間主平道之間武密曰天子馭遠之衢主轍軾明正吉

天田二星在角北主畿內封域武密曰天子藉田也歲星守之穀稔

天門二星在平星北武密云在左角南朝聘待客之所星明萬方歸化

進賢一星在平道西主卿相舉逸材明則賢人用歲星太白填星辰星合守之其占爲天子求賢黃白紫氣貫之草澤賢

人出

周鼎三星在角宿上主流亡星明國安

亢四星爲天子內朝總攝天下奏事聽訟理獄錄功一曰疏
廟主疾疫星明大輔忠民安其屬曰

大角一星在攝提間天王座也又爲天棟正經紀也光明

澤爲吉

折威七星在亢南主斬殺斷軍獄

攝提六星左右各三直斗灼南主建時節伺襪祥其星爲楯
以夾擁帝座主九卿色溫不明天下安

太康縣志

卷之一

星野

七

陽門二星在庫樓東北主守溢塞禦外寇

顛頊二星在折威東南主考囚情狀察詐僞也星明無咎
氏四星爲天子舍室后妃之府休解之房前二星適也後三
星妾也又爲天根主疫大則吉其屬曰

天乳一星在氏東北當赤道中明則甘露降

將軍一星騎將也在騎官東南總領車騎軍將部陣行列
招搖一星在梗河北主邊兵

帝席三星在大角北主安獻酬酌星暗天下安

亢池六星在亢宿北亢舟也池水也主渡水往來送迎

騎官二十七星在氐南天子虎賁也主宿衛星衆天下安
梗河三星在帝席北天子也一曰天鋒主北邊兵
車騎三星在騎官南總車騎將主部陣行列
陣車三星在氐南一云在騎官東北革車也

天輻二星在房西斜列主乘輿若周官巾車官也近尾天下
有福

房四星爲明堂天子布政之宮也亦四輔也下第一星上將
也次次將也次次相也上星上相也南二星君位北二星夫
人位又爲四表中爲天衢爲天關黃道之所經也南間曰陽

太康縣志

卷之一

星野

八

環其南曰太陽北間曰陰環其北曰太陰七曜由乎天衢則
天下和平由陽道則旱由陰道則水亦曰天駟爲天馬主車
駕南星曰左驂次左服次右服次右驂亦曰天廐又主開閉
爲畜藏之所由星明則王者明其屬曰

鍵閉一星在房東北主管籥明吉

鈞鈐二星在房北房之鈐鍵天之管籥王者至孝則明又曰
明而近房天下同心

東咸西咸各四星東咸在心北西咸在房西北日月五星之
道也 房之戶以防淫佚也明則吉

罰三星在東西咸正南主受金罰贖

日一星在房宿南太陽之精主昭明令德明大則君有德

從官二星在房宿西南主疾病巫醫

心三星天王正位也中星曰明堂天子位爲大辰主天下之

賞罰前星爲太子後星爲庶子明大天下同心其屬曰

積卒十二星在房西南五營軍士之象主衛士掃除不祥星

小爲吉

以上並
見府志

疆域

沃野平原險無陵谷聊固吾圉區分井牧某集某村何保
何族農夫有畔布帛有幅志疆域

縣在河南布政司東南東至朱家口集東柘城縣界五十里
東南至秋岡集東鹿邑縣界四十里南至老家集南淮寧縣
界三十五里西南至丁家集西西華縣界四十五里西至瓦
屋張家莊西扶溝縣界六十里西北至崔橋集北通許縣界
七十五里北至龍曲集北杞縣界五十里東北至程家路口
北睢州界五十里東西廣一百一十里南北袤八十五里北

太康縣志

卷之一

疆域

十

抵

京師一千八百里至省城二百二十里南至府城七十里

附論形勢

州邑形勢險易不同太康當陳許梁宋之交平曠極曰無
山川邱陵爲之環衛舊志所謂平原沃壤五穀繁殖無事
易享殷富之樂倉猝亦無守禦之險者也然王公設險端
在城池故或村樓置鼓以擒盜或淺水設伏以破敵誠能
思患豫防因地制勝豈必百二山河始堪固圉哉

街巷

城內街巷十七處

東西大街 南北大街 汪家隅頭街 紅花街 孝友里

街 附戶街 張家隅頭街 縣前街 水防隅頭街 城

隍廟街 王家街 儒學前街 聖賢街 天寧寺街 無

底關帝廟街 顧家街 周家巷

里社

明初編二十七里天順間晉人墾地著籍年續添八里合爲
三十五里宏治十八年增五里爲四十里嘉靖三年革除仍
三十五里明季寇亂後人少地荒

太康縣志

卷之一

疆域

十一

國朝止編八里

大吉北里 留耶南里 留耶北里 明子西里 金堆里

高賢里 葛岡里 高陵里 在坊社 大吉南社 大吉

北社 大吉西社 留耶中社 修文東社 修文西社

明子東社 明子西社 扶樂南社 扶樂北社 坊廓社

谷陽社 陽邱社 槐邱社 黃岡社 梅岡社 葛岡社

高柴社 高明社 坊城社 雙陵社 永定社 重定社

仁義社 義安社 思賢社 廣化社 化中社 承平社

留耶南社 留耶北社 金堆社 高陵社 皈善社

保 共九十四保四鄉大小村莊一千四百六十五箇城鄉烟戶共八萬一千八百五十八家

東門保 西門保 南門保 北門保 東關保

西關保 南關保 北關保 高家店保 朱家

口保 黃米口保 高朗集保 馬頭集保 黨

村集保 撞莊村保 馬廠集保 衆城集保

陶郭村保 柳河集保 貫岡集保 以七東鄉 三塚集

保 遜母口保 謝橋村保 馬家村保 丁家

集保 馬台集保 谷陽村保 雙陵集保

台寺保 長陵岡保 張馬寇戴 村保 張家村保

太康縣志

卷之一 疆域

大路岡保 大善寨保 三陵岡保 竇陵岡保

獨塘集保 耿家河保 丁花村保 白洋岡保

董馬村保 古城村保 長營集保 扶樂城保

樊噲口保 王家村保 清香集保 姑姑村保

會城寺保 大倉村保 崔橋村保 芝麻淫保

六合村保 柳林村保 以上西鄉 王隆集保 許村舖保

老塚集保 三奶廟保 劉家店保 五里口保

劉李河賀 村保 四柳樹保 台子集保 洪山廟保

杏岡村保 明光集保 淶淶灣保 郝家村保

趙家堂保 新安集保 秋岡集保 張夏村保以上

南鄉 平台岡保 焦家堂保 李楊 汪村保 坊城村保

鄧邱保 高賢集保 寄莊村保 四村保

大吉岡保 龍渠集保 梅岡保 軒轅村保

小郭村保 丁楊村保 程家 路口保 朱花村保

商岡村保 黃巢岡保 三義集保 吳仁寺保

楊家廟保 以上北鄉

鄉村

金堆鄉 西里十五 修文西鄉 東南四十五里 大吉鄉 北四十里 高陵鄉 西北四十里

太康縣志

卷之一 疆域

十三

五里 留耶鄉 東四十里 皈善鄉 西北五十里 明子鄉 西北五十里 扶樂鄉 西北三十里

五里 大留村 小留村 東北四十里俗傳光武駐蹕於此鄉民進膳光武日大留留不住小留留住人

因名 陣里村 演武村 東十里俗傳光武經此練士卒因名 恩燈村 鐵樓柯

原村 留錢村 大倉村 軒村 樊仁村 西七里 斧頭村 西北

二十里 武旗村 北四十里 朱華村 東北四十五里 留嗣村 西北四十八里 李曲村 東南

十五里 三張村 在長陵岡西南十里

山岡

泰山 縣東北前代建泰山行宮故名 長白山 治東北邑人建土地祠 石山 北二里 大吉岡

北四十里 小吉岡 大吉岡西 九岡 東四十里 東迷岡 北四十里 西迷岡 北四十里

黃岡 西南十八里相傳 有次公別墅故名 白羊岡 西北四十五里 丁辛岡 西北十五里 黃巢

岡 西北四十里 北岡 北十五里 商岡 東北四十里 扈岡 西二十里 桂岡 西二十里

十五里 長陵岡 西南三十五里 秋岡 東三十里 栗岡 東二十里 張奢岡 東二十里 留

耶岡 東北四十里 夏岡 西北四十五里 張洋岡 西北三十里 許城岡 東三十里 葛岡

北四十里 梅岡 西北三十里 侯陵岡 西三十里 斧頭岡 西北二十里 狗冢

岡 西三十里 寶陵岡 西五十里 華陽岡 東北四十里

康邑山岡皆平地非有瞰城如盃環邑如幃之地與豐隆之形蜿蜒之勢也故與鄉村類編至舊志鄉村之名今又不著其故不可徧詢而周知要之九十四保足以該之矣

太康縣志

卷之一 疆域

集鎮

東關 西關 輪舖會十二月初七至初九 南關 輪舖會十月初二至初四 北關 高家

店集 城東十五里 黃米口集 東三十里 高朗集 東十八里 黨村

集 東十八里 撞莊村集 東十八里 馬廠集 東二十五里 衆城集 東

一至十三月二十九日 馬頭集 東北四十里 衆城集 東

五至十月 朱家口集 東四十里 柳河集 東北四十五里 衆城集 東

十里 貫岡集 東北三十五里 柳河集 東北四十五里 衆城集 東

四 王隆集 南十里 李彩集 南十八里 洪山廟集 南十五里 四

柳樹集 南二十五里 台子集 西南十八里 老家集 南三十里 衆城集 東

初三至初五十二
人和集 南三十五里雙日集
五里口集 西南四十里單日集輪舖

會九月初九
苗台寺集 西南四十五里雙日集
明光集 東南十五里雙日集
秋岡集

東南三十里
新安集 東南四十里單日集輪舖
獨塘集 西十八里雙日集

張家村集 西十五里單日集
清香集 西三十里雙日集
桂岡集 西二十五里雙日集

平台岡集 西北十五里單日集
馬台集 西二十五里單日集
大路岡集 西四十里單日集

頭中岳廟輪舖會十五
三冢集 西十五里雙日集
丁家集 西南五十里單日集輪舖

會十月二十五
長陵岡集 西四十里單日集
遜母口集 西三十里輪舖會

十月二十四至二十六
雙陵集 西五十里雙日集輪舖會
頭

一十二月十七至十九
長營集 西五十里單日集輪舖會
崔

太康縣志

卷之一 疆域

十五

橋集 西北七十里雙日集輪舖
謝橋村集 西五十里單日集
董馬村

集 西五十里
小傅家集 西三十里雙日集
楊家廟集 北二十五里雙日集輪舖會九

月二十二至二十四
黃巢岡集 西北四十里雙日集
梅岡集 西北三十里雙日集

二大吉岡集 西北四十里雙日集
小郭集 西北四十里單日集
龍渠集 西北四十里單日

集輪舖會十月
高賢集 西北五十里雙日集輪舖會四月二
初七至初九

十哈寨集 東北三十五里單日集輪
白洋岡集 西北四十五里單日集

樊噲口集 西北三十里單日集
吳仁寺集 北四十里雙日集
三義集 北三十里雙日集

坊城集 西北二十五里單日集

古蹟

匡城舊壤尼宣所經英雄用武文士流馨荒屯遺冢汗簡

殺青傳疑傳信不墜先型志古蹟

太康城

金仁山通鑑前編云汲郡古文稱太康居斟尋鄗道元謂河南有尋地薛氏謂今拱州太康縣漢之陽夏

即太康故城

固陵

後漢郡國志陽夏有固陵聚按史記高祖五年追項羽至陽夏南下云至固陵徐廣曰固陵

在陽夏晉灼曰在固始縣徐說是晉說非也又府志引括地志云固陵在沈邱縣西北十二里是沈邱有固陵也一統志

云固陵在陳州西北十二里是陳州有固陵也商水縣志云周赧王失國太子死節葬此後人高其義即墓上建祠祀之

名曰固王廟漢高祖追項羽至固陵為羽所破帝堅壁自守以待諸侯即此是商水有固陵也三說亦非後漢志明云陽

夏有固陵聚且史記於陽夏南之下云止軍與信越期會擊楚軍至固陵不會則固陵即在陽夏明矣府志以陽夏南為

太康縣志

卷之一 古蹟

十六

宛邱若然則當云至宛邱不當云陽夏南矣

勝蹟

五子臺

縣西高陵鄉太康盤遊無度五子御母以從處上有五子廟旁有五子潭後廢金仁山通鑑前編云太康

十有九歲畋于洛表羿拒于河五弟御母以從遂都陽夏又云太康在外忘反羿入都篡國故五子御母避難迹太康所

之逾河而南以從之望太康以圖復國故于洛汭而不至洛表哀宗國之顛覆痛社稷之危亡親親之愛不能自遏故述

大禹之戒而為歌或以五子各為一章然首尾相應或共為之一其二歌節也非指五子也 漢王城 霸

王臺

俱在縣西北五里

南距臺

北距臺

俱在縣南二十里相去一里許即漢

王追項羽至陽夏相拒處今按固陵當在此等處

次公別墅

縣西南十八里有黃岡相傳為黃次公別墅

料城

北四十五里相傳光武積料處

募城募臺

俱在城東相傳光武募軍處

扶樂城

西北

五里 **小扶樂城** 西三十里按此二處即東漢所置扶樂縣地唐貞觀初所省入者也舊志上云漢置郡此云漢

置縣不知何據 **南會城** **北會城** **朗城** 西北十五里 **坊城** 西北十五里 **小郭**

城 西北三十里 **平臺** **姑羊臺** **萼臺** 西北三十里相傳唐武后遊幸築臺賞花處 **鳳**

鳴臺 東十里 **谷陽臺** 西三十里

八景

歌臺流響 **靈塔晴光** **花萼春榮** **長山積翠**

蓮池夜月 **霸壘斜陽** **渦水秋瀾** **宋岡紅葉**

陵墓

太康陵 在縣東南二里通鑑前編太康二十有九歲王崩于陽夏弟仲康立路史曰太康在位十有九歲又十

太康縣志

卷之一 古蹟

十七

歲而 **仲康陵** 在太康陵左通鑑前編仲康即五子之一也仲康十有三歲王崩子相踐位按仲康繼太康

立崩即葬此理或然也舊志或云少康陵 **槐邱** 在縣東南四里俗名槐

邱寺有斷碣云夏 **周幽王陵** 在縣東南三十里 **平王陵** 一名平邱在

按幽平二陵蓋傳聞之誤 **共城侯高子羔墓** 在縣西北三十里高賢集監生侯三畏捐地十畝以給守

墓乾隆九年知縣 **南頓侯陳子禽墓** 在縣北二十里明知縣程鋌修祠乾隆九年知

縣宋士莊捐修墓廟 **漢梁王彭越墓** 縣東南三十里 **舞陽侯樊噲墓** 縣北三十里 **高**

密侯鄧禹墓 縣西北三十里 **節侯馮異墓** 縣東北四十里 **巨無霸墓** 縣東南十五里

里 **晉陶母墓** 縣東南七里有大陵高數丈廣數頃俗傳晉長沙公陶侃母墓按修位表云臣父母舊葬

今在尋陽尋陽今九江府也安 **金梁墓** 縣西北十五里 **元三公墓** 得此地有侃母墓舊志誤載

元中書左丞韓元善 **三卿墓** 在縣西南三里刑部尚書顧中及祖父三世葬此 今按元史並

無顧中姓名豈有尚書而史不 **明贈司農義士王彦才墓** 在立傳者乎舊志載此不知何據 吳

仁 **尚書王鈍墓** 縣北十五里高朗 **侍郎王淪墓** 在高 **都御史顧佐墓**

縣西南 **侍郎韓鐸墓** 在江 **苑馬郭在豐墓** 在霸 **知府郭濟墓**

在霸王臺 **叅政郭緒墓** 在霸王臺 **贈副都御史王杰墓** 在高 **叅**

政王朝賢墓 在高 **何烈婦墓** 在城 **忠烈墓** 前明壬午遇難身

供養僧人發光等三衆拾骨三載生員王志宏捐施小地四畝併葬之在東門外知縣李信立石題曰忠烈

國朝僉事王輔運墓 城西北焦家堂

江陵 有二一在縣東十二里 **雙陵** 在縣西五十里 **高陵** 在縣西南四十五里 **侯陵**

太康縣志

卷之一 古蹟

十八

有三 **永陵** 在縣西北六十里 **青陵** 在縣南五里 **竇陵** 在縣西五十里 **長**

陵 在縣西南三十五里 **九女塚** 在縣北二十里相傳有姊妹九人貞烈相繼死同葬於此其塚相連累如貫珠

陽邱 在縣西北四十五里 **小邱** 在縣西北十五里 **老塚** 在縣南三十里 **尖塚** 在縣西北

獾邱塚 在縣西南十五里

廟寺

舜帝廟 邑中遇旱禱輒應 **漢壽亭侯廟** 萬歷十九年主 **眞武**

永樂中建康熙七年 **長白山土地祠** 宋崇德二年建明末 **洪**

山眞人廟 **馬神廟** 知縣胡 **火神廟** 明宏治年建經兵火

三義廟 縣治街 **泰山廟** 宋崇寧二年建明洪武十年重修 **金龍**

四大王廟

在東門外迤南明御史王城建陳繼儒金龍山聖蹟記謝公緒會稽諸生居錢唐安溪謝太后姪也

三宮北行公投安溪死門人葬於鄉之金龍山明太祖呂梁之捷神顯靈遂敕封金龍四大王立廟於黃河之上余修錢

唐縣志補觀音閣鎮江府通判魯班廟天寧寺元至正入忠烈傳魏觀颺建寺內十年建

國朝興屯同西王母廟李化文祝呂純陽閣順治十五年知劉愈奇重修薦馨建姚顯忠建

龍王廟明洪熙年間程玟李養心無底關帝廟明成化間生國朝知縣張信重修員張志建

鄭道長修三皇廟知縣張三官廟劉愈帝譽廟東北四帝槐

廟東南三里光武廟東五三侯廟西三十里舊志云三侯周人

輕利事周厲王直諫不容奔吳帥師破楚兵擒上將不受賞復歸於周事宣王以功封唐曰孕靈侯葛曰孕感侯周曰孕

昌侯宋徽宗封三侯俱真君墓在縣西侯陵岡今按三侯姓名不見於史傳孕靈孕感似後世封神之號三代所無亦無

太康縣志

卷之一 古蹟

十九

無國封侯之法舊志所載甚屬荒唐三侯不知何時人闕疑可也姬光廟春秋吳東嶽廟賈

定鄧將軍廟西南三十里圓通庵順治十五年靈光塔明萬

十五年都御史王成仁閣在馬廠東七里廖氏祠堂前明鄭

城建高十三級子機賴一婢引逃至太康因家焉其裔孫諮經行讓及其族

建文之難昇從姪鏞銘竊埋其師方孝儒尸被收論死鏞幼

建祠及閣乾隆十一年督學使者題其閣曰成仁閣清真寺有三俱

忠義世昭十二年後使者題其閣曰成仁閣清真寺同民建

一在城內東南不知何年創建明季寇燬國朝順治年重

建康熙三十五年重修一在城內大街康熙三年建五十二

年重修一在南關

康熙五十年建

